

1. september 2004

UKA 2004/31

**Peqqinnissaqarfiup sullissineri il.il. pillugit Inatsisartut peqqussutaata allanngortinneranik Inatsisartut peqqussutaannut nr. xx xx 2005-imeersumut siunnersuut.**

(Peqqissaaneq pillugu malittarisassanik aalajangersaasinnaanermut Naalakkersuisunut piginnaatitsissut)

**§ 1**

Peqqinnissaqarfiup sullissineri il.il. pillugit Inatsisartut peqqussutaanni nr. 15-imi 6. november 1997-imeersumi makkua allannguutigitinneqarput:

**1. § 10** imatut oqaasertalerneqassaaq:

**"§ 10.** Meeqqat inuusuttullu 18-it inorlugit ukiullit tamarmik akiliutitaqanngitsumik pinaveersaartitsiniutaasumik peqqissutsimik misissorneqarnissaannik neqeroorfigineqartassapput.

*Imm.* 2. Meeqqat suli atualinngitsut atuartussaataasutullu ukiullit tamarmik akiliutitaqanngitsumik peqqinnissakkut isumagineqarnermik neqeroorfigineqassapput.

*Imm.* 3. Peqqissutsimik misissuinerit aamma peqqinnissakkut isumaginninnerup annertussusissaat piumasaqaatillu pillugit malittarisassat Naalakkersuisut aalajangersassavaat".

**2. § 11** aamma **§ 12** atorunnaarsinneqarput.

**§ 2**

Inatsisartut peqqussutaat 1. februar 2005 atuutilerpoq.

*Namminersornerullutik Oqartussat, ulloq xxxx 2004*

Hans Enoksen

/

Asii Chemnitz Narup